

Sejarah Kegemilangan Islam ...

berjaya membuat berbagai-bagai percubaan.

Di bidang kedoktoran, al-Rāzī telah berjaya menulis buku kedoktoran yang diberi nama al-Hāwī sebanyak 20 jilid. Buku ini adalah mendapat perhatian kepada orang-orang Barat. Al-Kindī juga turut memainkan peranan yang penting dalam penyelidikan ilmu kedoktoran. Sehingga hasil penyelidikannya menjadi pengkajian ahli-ahli sarjana Barat.

Tak Perlu Disesali:

Umat Islam tidak seharusnya menyesali tanpa berkesudahan disebabkan mundurnya mereka di dalam aspek-aspek kemajuan, kerana kehancuran yang

kita terima di hari ini berpunca dari tiga faktor:

1. Agama

2. Kedudukan

3. Politik

Ketiga-tiga perkara ini telah dipisah-pisahkan. Dan dengan adanya perasaan ingin memburu kemewahan hidup dari setengah pemimpin-pemimpin gadungan, menyebabkan kita umat Islam di hari ini jauh ketinggalan. Dalam hal ini Tuhan ada berfirman dalam surah al-Dukhān ayat (25-28)

Kam taraku min jannātīn wa ‘uyūn, wa zurū‘īn wa maqāmin karīm, wa ni‘matin kānū fīthā fākihīn, ka dhālikā wa awrathnāhā qawman ākhārīn

ertiinya: “Berapa banyak yang mereka tinggalkan dari kebun-kebun dan mata air-mata air serta tanaman-tanaman, tempat kediaman yang mulia dan nikmat yang mereka

bersenang-senang padanya. Begitulah (urusan itu) dan Kami wariskan dia kepada kaum yang lain.

Patut disebut bahawa atas dasar perikemanusiaan dan demokrasi, kegemilangan Islam di zaman silam dapat dijadikan asas untuk membangun masyarakat di zaman moden berdasarkan al-Qur’ān dan al-ḥadīth.

Bahan-bahan Kajian Untuk Rujuk:

1. Ringkasan Sejarah Khulafa’ al-Rasyidin
2. Dari majalah Teratai
3. Kertas kerja yang disediakan oleh oleh tiga orang pelajar menengah Arab al-Ulum Perak termasuk seorang guru berkelulusan B. A. Indonesia dalam tajuk yang sama.

Berita Penting yang Menggemparkan Dunia

Kementerian Wakaf, Jabatan Hal Ehwal Islam Pakistan telah mengeluarkan pengumuman seperti berikut:

“Orang-orang Islam sedunia, hendaklah berjaga-jaga! Musuh-musuh kita sekarang sedang giat untuk meleburkan agama kita. Tingkat pertama ialah menduduki Jerusalem, kiblat pertama Islam dan tempat Nabi Muhammad *sallā Allāhu ‘alayhi wa sallam* naik ke langit. Bukan setakat itu sahaja, perikatan musuh-musuh Islam, telah menyerang kesucian al-Qur’ān, kitab suci Islam.”

“Israel dan Jerman Timur sekarang sedang mengecap Qur’ān baru yang isinya ditukar-tukar hingga bersalahan dari yang asalnya. Qur’ān ini sedang diedarkan ke seluruh negeri-negeri Islam yang bukan dari negara-negara Arab.”

“Semua orang Islam adalah dinasihatkan supaya membakar Qur’ān ini jika didapati. Pemimpin-pemimpin Islam sedunia sekarang ini sedang bermesyuarat mencari jalan bagaimana untuk menghadapi masalah yang jahat yang sangat besar bahayanya kepada agama kita yang kita kasih itu ...”

Dipetik dari majalah

The Muslim World

Nombor 4 - keluaran 24 Ogos 1968.